

門武
第 83
卷 1



保嬰全書序

保嬰全書者中丞趙公所刻
薛醫士方書也薛名鎧為句
吳人世以小兒醫名家其方
有內外二卷云萬曆壬午公
觀察粵東業已刻是書之內



方題曰保嬰撮要而以屬趙
太史澂陽序之矣其撫閩之
明年癸未而外方告成走手
書寓余于虔南徵之序若曰
是又為保嬰續集云余受而
讀之見所為先後二卷雖內

外殊方而大要率歸之保嬰
則以請于公曰名之為保嬰
全書可乎書報曰可遂序之
且方書之說何昉乎黃岐以
前尚矣自內經作而世之言
醫者宗焉顧其時有專業而

無分門乃司馬氏之傳扁鵲也其言曰秦越人受方長桑君飲上池水得秘術過咸陽知秦人貴小兒也為小兒醫然則醫之有小兒豈自古而重之乎柰之何方書輩出而

醫道且日晦膠固常之說者每汗漫而寡要泥拘曲之學者怕偏闕而不全治外者多遺內急本者或忘標逞胸臆投烏喙重違天地之生道而速之殤噫嘻以父母天下為

王道者寧無置心於此耶此
保嬰一書中丞公所為汲汲
也書凡若干卷其為方凡若
干撮其要則汗漫者知所擇
會其全則偏闕者罔所遺合
內外為全書而惟要之是守

俾世之人皆得按書求方而
期以已疾蓋自是書出而天
下于是乎多全嬰矣其有補
于世豈尠淺哉昔陸宣公之
在忠州也日惟手校方書忠
州故隸蜀而今中丞公為蜀

人則所為心宣公之心也非
歟抑余念之書曰如保赤子
其在兵法曰視卒如嬰兒可
以與之赴深谿往年島夷弗
靖赤子弄兵於潢池至厪

當宁南顧憂

今天子神聖海不揚波而猶然
軫念八閩重地假公重坐而鎮
之而公也以赤子之保保民
以嬰兒之撫撫卒卒之四境
晏如民免夭橫譬之老醫用
藥出肘上之方隨試輒效其

仁覆寰宇又豈直全嬰已哉
乃余於方書見公之微也因
以為序

萬曆癸未仲春望日

賜進士第通議大夫奉

勅巡撫南贛汀韶等處地方提

督軍務都察院右副都御史

河汾王緝撰



何侯王勳

管軍條籍察刻或隔階時史



叙

諺曰秀才學政必負策
作麓余始聞之以為醫
固若斯之易也及觀素
問靈樞所歸陰中有陽

陽中有陰經維表裏陰
陽之說論玄之又玄通
於易理夫固非儒者弗
辨然後知諺所云之非以
易之蓋曰緊固若斯之

難也且昔人嘗論之良
相矣夫宰相佐天子理
陰陽順四時厥功匪小於
不能為天下真奇才而
能為天下良宰相者無

之故曰人之以病之疾備
醫之所病之道少其是不
全而以人命僥倖庸醫殺
人昭于庸巫之悞國可不
情与或又沿人生而壯七

情中之富告其傷于佚系
貧賦其傷于憂勞其病
大都得之坎離不交陰陽
失位故宣通補寫其危
誠難若嬰兒得全于天

病不過寒暑飲食攻治
之方曰毋少易是殆不殆
易曰蒙在物之穉也物穉
不可不養也故禮春育幼
穉秋養孤老夫王在當正

月如和而布象觀寧不祈
天下之物以所迺必汲以
幼穉為先豈非以柔物之
天札疵厲皆如于穉保而
護之蓋其難也故人必通

于天地陰陽之理然後可以
為隱之必全乎男婦老幼
內外之術然後可以為小兒
醫者扁鵲之醫隨俗為
家過邯鄲為婦人帶下

隱過雒陽為老人耳目痺
隱其在咸陽則以小兒隱
名然分証小兒隱之與婦人
隱者人隱或互二理也至
可位哉袁隆百吾吳薛

君鏗世以小兒隱聞天下
而前大中丞趙公為梓
其保嬰全書藏于閩署
余蒞閩得是書珍為弘
辭願世何以不傳則


歲久而板且毀蓋殘闕
者什之三矣余惜之手
自較讐重梓如其舊曰
毋俟為廣陵散也昔蘇
文忠公多蓄善藥且求

在焉與之者曰病在內榮
吾為之體輕然榮能掩于
耳目之以及不能掩于耳
目之所不及寧寧公取薛
氏秘方公之人曰法傳無

窮乃不免于中然余討
法殘編剝管而佳絕在
後傳良哉于滿目痼瘵
啼辱切之瘵之當及成方
如是書在陸陸未可泥也

必多能手神而明之操至
一之心而劑不一之病庶幾
可保也夫

崇禎丁丑孟冬吉旦雲
龍謔并書



卷一

初誕

喉風撮口厥風

變蒸

心臟症

肺臟症

肝臟症

脾臟症

腎臟症

腎臟症

卷二

保嬰全書內症目錄

卷一

初誕法

護養法

噤風撮口臍風

脉法

變蒸

肝臟症



心臟症

脾臟症

肺臟症

腎臟症

卷二



面上症

發搐

目睛睜動

唇口蠕動

驚搐目直

睡中驚動

目動咬牙

搖頭便血

偏風口噤

角弓反張

卷三

急驚

慢驚

驚癇

驚風

天鈞內鈞

盤腸氣痛

胎驚

胎風

五軟

五硬

卷四

風熱風症

瘳症

夜啼

悲哭

胎症

解顱顱填顱陷

目症

耳症

鼻塞鼻衄

龜胸龜背

卷五

鶴膝行遲

齒遲

咬牙

語遲

瘖

滯頤

腹痛

腹脹

癖塊痞結

積滯

卷六

發熱

潮熱

寒熱

傷寒夾驚夾食

咳嗽

百啐內嗽

喘

黃疸

吐乳

吐舌弄舌

卷七

熱吐

寒吐噦逆

霍亂吐瀉

魎病

冷瀉

熱瀉

食瀉

驚瀉

諸痢

諸瘡

卷八

脫肛

肛門作癢

便血尿血

大便不通

小便不通

諸淋

遺尿

白濁

諸疳

二便色白

卷九

吐血

虛羸

胃氣虛寒

食積寒熱

腫脹

蛇蟲

疝氣

渴症

煩躁

注夏

卷十

自汗

盜汗

噫氣

下氣

不寐

驚悸

吞酸

脾弱多困

尋衣撮空

喜笑不休

保嬰全書目錄終

保嬰全書外症目錄

卷十一

腫瘍

潰瘍

胎毒發丹

傷食發丹

胎毒瘡瘍

熱毒瘡瘍

胎毒瘰癧

熱毒瘰癧

驚風結核

胎毒瘡疥

熱毒瘡疥

諸疳瘡疥

諸疳口瘡
熱毒口瘡

卷十二

疔瘡
時毒

流注
天蛇毒

天泡瘡
楊梅瘡

赤白遊風
發癩

黃水粘瘡
頭面瘡

眉煉

卷十三

喉痺
腮癰

臂癰
腋癰

脇癰
腹癰

臀癰
腿癰

鶴膝風

卷十四

肺癰肺痿
腸癰

保嬰全書目錄

痔瘡

下疳陰痿

便癰

囊癰

足指凍瘡

湯火瘡

翻花瘡

多骨疽

漏瘡

五瘤

卷十五

作痛不止

作嘔不止

出血不止

肌肉不生

發熱不止

大便不通

大便不止

小便不通

小便不止

作渴不止

敷寒涼藥

服敗毒藥

用刀鍼法

五善七惡

卷十六

跌仆外傷

跌仆內傷

舌斷唇傷

腦骨傷損

腹破腸出

陰囊被傷

金木所傷

漆瘡

風犬傷

瘡瘍發瘰

破傷風

癩癧

顫振

卷十七

痘疹受病之由

痘瘡輕重

腹脹氣促根窠不赤

發熱口渴煩躁不止

痘瘡出遲屬各經所主

泄瀉咬牙作渴

痘瘡發熱屬陰屬陽之異

痘瘡大便不通

欲靨不靨欲落不落

涕吐稠粘大便堅實

頂陷灰白瀉渴

寒戰咬牙飲水瀉渴

卷十八

不靨悶亂哽氣腹脹

兩目生翳痘黥凹凸

靨後發振咽痛不利

頂陷心煩狂躁氣喘

作痒抓破膿水淋漓

風邪搏於肌肉患疔蝕

癰症

水痘麻疹

痘瘡生癰毒

痘疔

夾疹痘

卷十九

痘稠密

痘吐瀉

痘自汗

痒塌

倒靨

癰爛

痘癰搗

痘風

痘潮熱

痘吐逆

痘咳嗽

痘喘症

卷二十

小便不和

痘便血或黑屎

痘瘡焮裂出血

痘衄血吐血

痘煩躁

痘腹痛

痘腰痛

痘面青

痘痕赤白

痘瘡

痘瘡痛

痘身疼

目錄終

保嬰全書卷之一

贈太醫院院使薛

鎧編集

前太醫院院使男薛已治驗

初誕法

小兒在胎稟陰陽五行之氣以生臟腑百骸藉胎液以滋養受氣既足自然生育分娩之時口含血塊啼聲一出隨即嚥下而毒伏於命門遇天行時氣久熱或飲食停滯或外感

風寒驚風發熱等因發為瘡疹須急於未啼
時用軟帛裹指窠去其血用黃連豆豉硃蜜
甘草解之後雖出痘亦輕矣有嚙入即時腹
脹嘔吐短氣不乳者用茯苓丸治之但黃連
性寒若稟母氣膏梁積熱者宜服若滋味淡
薄胎氣元弱者又不宜用其硃砂固能解毒
恐金石鎮墜不若只以牛黃分許蜜調與吮
為佳世多用犀角解毒丸其胎氣虛寒虛弱
者反傷脾胃生氣甚致不育又有嬰兒因其
難產或冒風寒而垂危者切不可便斷臍帶
急烘綿絮包抱懷中急以胎衣置火中煨燒
更用大紙捻於臍帶上往來燎之使煖氣入
腹須臾氣復自甦尤戒洗浴恐腠理不密元
氣發泄而外邪乘之也

黃連法臨月用黃連細切為末綿裹百沸湯

拭口

甘草法預以甘草細切少許臨產時以綿裹
沸湯泡盞內覆溫收生之際以軟綿裹指
蘸甘草汁拭其口次用黃連法硃蜜法
硃蜜法用黃連細切沸湯泡良久濾淨拭兒
口中吐去惡汁更與硃砂一大豆許細研
以蜜一蜆殼抹兒口服之非獨鎮心定魄
安神解毒更能益肝膽除煩熱辟邪氣也
又牛黃法與硃蜜同少加牛黃能益肝膽除

熱定精神止驚邪辟惡氣除小兒百病

茯苓丸

赤茯苓

黃連

胎冷易芍藥

枳殼

炒各等分

右為末煉蜜丸桐子大每服一九乳汁化

下

護養法

巢氏云小兒初生肌膚未實宜用舊絮護其
背不可太煖更宜數見風日則血氣剛強肌

肉緻密若藏於重幃密室或厚衣過煖則筋骨軟脆不任風寒多易致病衣服當隨寒熱加減但令背煖為佳亦勿令出汗恐表虛風邪易傷乳哺亦不宜過飽若宿滯不化用消乳丸治之陳氏所謂忍三分寒吃七分飽頻揉肚少洗澡要肚煖頭涼心胸涼皆至論也須令乳母預慎七情六淫厚味炙燂則乳汁清寧兒不致疾否則陰陽偏勝血氣沸騰乳汁敗壞必生諸症若屢用藥餌則臟腑陰損多變敗症可不慎歟大抵保嬰之法未病則調治乳母既病則審治嬰兒亦必兼治其母為善

消乳丸

縮砂仁

陳皮

京三稜

煨

蓬朮

煨

神麴

麥芽

各半兩

香附子

炒一兩

右為末麵糊丸麻子大每服二三丸白湯下

噤風撮口臍風

小兒初生噤風者因胎中受熱毒流心脾生下復為風邪所搏致眼閉口噤啼聲不出舌上如粟口吐白沫在百日內見撮口者因胎熱無風自臍入於心脾致面目黃赤氣息喘急啼聲不出舌強唇青聚口撮面腹脹青筋

吊腸牽痛吐白沫者不救法當踈利臍風者因斷臍之後為水濕風邪入於心脾致腹脹臍腫四肢柔直啼不吮乳甚者發搐先用龍膽湯天麻丸之類以去痰涎後用益脾散之類補脾胃若臍邊青黑手拳口噤是為內搐不治受病之源皆因乳母七情氣鬱厚味積熱所致若爪甲黑伸引努力臍突者用大連翹飲子之類又斷臍不盈尺多患此者以舊

綿燒灰摻之齒齦有泡如粟以帛裹指蘸溫
水擦破口即開不用藥七日內患者百無一
生古人治法大率如此又田氏治噤風用天
南星末一錢片腦少許以紙蘸姜汁擦齦立
開丹溪用赤足蜈蚣去足炙為末以猪乳調
五分徐徐灌之或用牛黃以竹瀝調服一字
隨以猪乳滴於口中聖惠方用鬱金藜蘆灰
蒂為末水調搯鼻中錢氏云搯口因浴後或
臍風邪所入而作用益黃散補之無擇云視
其齒齦有泡擦破口既開用真白僵蚕為末
蜜調塗口內保嬰集云小兒百日臍風馬牙
當作胎毒瀉足陽明火用針挑破以桑樹白
汁塗之又云初生小兒時時宜傳桑汁不然
多有舌硬撮口之症竊謂臍風果因浴拭外
傷皮膚者用綿紙蘸桑樹末擦之即愈若因
乳母肝脾鬱怒致兒為患當治其母若因剪

臍短少或因束縛不緊或因牽動風入臍中
或因鐵器斷臍冷氣傳於脾絡以致前症者
口內有小泡急搗破去其毒水以艾灸臍中
亦有生者

千金龍膽湯治月內臍風撮口四肢驚掣發
熱吐乳及變症客忤鬼氣驚癇加人參當
歸

龍膽草

炒黑

釣藤鈎

柴胡

黃芩

炒

桔梗

芍藥

炒

茯苓

甘草

各二錢五分

蟻螂

二枚去翅足

大黃

煨二錢五分

右為末每服一二錢水煎量兒加減

天麻丸治釣腸鎖肚撮口

天南星

炮二錢

白附子

牙硝

天麻

五靈脂

全蝎

焙各一錢

輕粉

半錢

巴豆霜

一字

右為末每服一字薄荷湯調下

定命丹治天釣撮口通利痰熱

全蝎七枚 天麻 南星炮

白附子各二錢五分 朱砂 青黛各一錢五分

輕粉 麝香各五分 片腦一字

右為末米糊丸菜豆大每服一九荆芥薄

荷湯下先研半丸吹入鼻中

硃銀丸治胎風壯熱痰盛翻眼口噤或胎中

蘊毒

水銀和棗肉研 全蝎 南星

朱砂各一錢 白附子一錢五分 牛黃

蘆薈各三分 鉛霜半錢和 片腦一字

麝香五分 真僵蠶炒七箇

右為末米糊丸芥子大每服三丸薄荷湯

下

紫霜丸治變蒸發熱不解或食癩先寒後熱

或乳哺失節宿滯不化腹痛嘔吐或大便酸臭

代赭石 煨用醋淬七次 赤石脂 各一兩

杏仁 五十箇 麩炒 巴豆仁 三十枚去膜油心

右先將杏仁巴豆研成膏入代赭石脂末研勻湯浸蒸餅丸粟米大每服三五丸米飲送下

消食丸 方見黃疸

控痰散和風噤先用此藥吐風涎次與益胃散和胃又與辰砂膏利驚握拳噤口者不治

蝎尾 銅青 各半錢 朱砂 一錢

膩粉 一字 麝香 少許

右為末每服一字茶清調下輕者勿用或以甘草湯吐之

甘草湯治撮口

甘草

生一錢

右水煎以綿毬蘸吮令出痰涎却以猪乳點入口中即瘥

益脾散

白茯苓

人參

草果

煨

木香

濕紙裹煨

甘草

陳皮

厚朴

姜製

紫蘇子

炒各等分

右為末每服一錢姜棗水煎

辰砂膏治眼閉口噤啼聲不出吮乳不得口

吐白沫

辰砂

三錢

鵬砂

馬牙硝

各一錢半

玄明粉

全蝎

珍珠

各一錢

麝香

右為末每服一豆許諸驚薄苛湯下潮熱甘草湯下月內用乳汁調塗乳頭令吮之葱號散治初生小兒七日不小便

葱白 三四寸 人乳

右同搗如汗傳兒口內即與吮乳

蠶號散治初生兒七日不乳名撮口

殭蠶

四箇去嘴略炒

茯苓

少許

右為末蜜調傳兒口內

殭蠶膏治撮口用真殭蠶二枚去嘴略炒為

末蜜調搽口中

撮風散治撮口

釣藤鈎

朱砂

赤脚蜈蚣半條

真僵蠶焙

蝎稍

各一錢

麝香一字

右為末每服一字竹瀝調下

瓜蒂散治臍風撮口

瓜蒂七箇

赤小豆

秫米各七粒

右為末用一豆許吹兩鼻內令出黃水更

調服吐黃水即瘥

大連翹湯治胎熱臍風小便不通及諸般瘡

毒

連翹

藿麥

荆芥

木通

赤芍藥

當歸

防風

柴胡

滑石

蟬殼

甘草

山梔子

黃芩

各半錢

右為末每服二錢加紫草水煎熟甚加大黃更詳症加減

安臍散

羚羊角

一錢 略炒

亂髮

一團燒 令存性

蜈蚣

一寸赤 脚者炙

右為末斷臍後即傳之以絹帕緊束恐犯

風也

脈法

錢仲陽云小兒之脈氣不和則弦急傷食則沉緩虛驚則促急風則浮冷則沉細脈亂者不治水鏡訣云陰陽運合男女成形已分九

竅四肢乃生五臟六腑部分既別逆順難明
若憑寸口之浮沉必乃橫亡於孩子須明虎
口辨別三關精詳用藥始無差誤未至三歲
看虎口食指第一節名風關脉初見易治第
二節名氣關脉見病深難治第三節名命關
脉見死不治三關青是四足驚赤是水驚黑
是人驚紫色瀉利黃色雷驚三關通度是極
驚之症必死或青或紅有紋如線一直者是

乳食傷脾必發驚熱左右一樣者是驚與積
齊發有三條或散是肺生風痰或似駒駝聲
有赤是傷寒及嗽如紅火是瀉紅黑相兼主
下痢青多白痢紅多赤痢紫色相兼加渴虎
口脉紋亂主胃氣不和青是驚與積青黑發
慢驚脉入掌乃內釣指紋曲裡風盛變外食
積此論三歲以上之法若三歲以下更用一
指按高骨乃分三關定其息數呼吸八至為

平脉九至不安十至危困浮主風沉遲主虛
冷實主有熱緊主癩癩洪主熱盛沉緩主虛
瀉微遲有積有蟲遲濇主胃脘不和沉主乳
食難化沉細主乳食停滯緊弦主腹中熱痛
牢實主大便秘沉而數者骨中有熱弦長是
肝膈有風緊數乃驚風為患四肢掣顫浮洪
乃胃口有熱沉緊主腹痛有寒虛濡者有氣
又主慢驚乳主大便利血四歲以下用一指

衮轉尋三部以關為準七八歲移指少許九
歲次第依三關部位尋取十一十二歲亦同
十四十五歲依大方脉部位診視凡看脉先
定浮沉遲數陰陽冷熱沉遲為陰浮數為陽
更兼看部位青主驚風白主虛瀉赤主痰熱
黑色病甚黃主脾疳以此相參察病治療庶
無誤矣又全幼心鑑云小兒半歲之際有病
當於額前眉端髮際之間以名中食三指曲

按之兒頭在左舉右手在右舉左手食指為
上中指為中名指為下三指俱熱主感風邪
鼻塞氣粗發熱咳嗽若三指俱冷主外感風
寒內傷飲食發熱吐瀉若食中二指熱主上
熱下冷名中二指熱主夾驚之疾食指熱主
胸滿食滯又當參辨脉形主之○流珠形主
飲食所傷內熱欲吐或腸鳴自利煩躁啼哭
用助胃膏消飲食分陰陽若食消而病仍作

用香砂助胃膏以補脾胃○環珠形主脾虛
停食胸膈脹滿煩渴發熱用五味異功散加
山查枳實健脾消食後用六君子湯調養中
氣○長珠形主脾傷飲食積滯肚腹作痛寒
熱不食先用大安丸消其積滯次以異功散
健其脾氣○來蛇形主脾胃濕熱中脘不利
乾嘔不食此疳邪內作先用四味肥兒丸治
疳後用四君子湯補脾○去蛇形主脾虛食

積吐瀉煩渴氣短喘急不食困睡先用六君子湯加枳實健脾消積次以七味白朮散調補胃氣○弓反裏形主感冒寒邪噎氣出氣驚悸倦怠四肢稍冷小便赤色咳嗽吐涎先用惺惺散助胃氣祛外邪後以五味異功散加茯神當歸養心血助胃氣若外邪既解而驚悸指冷脾氣受傷也宜用七味白朮散補之若悶亂氣粗喘促噎氣者難治脾虛甚故



也○弓反外形主痰熱心神恍惚夾驚夾食風癇痰盛先以天麻防風丸祛外邪又用五味異功散調中氣○鎗形主風熱生痰發搐先用抱龍丸如未應用牛黃清心丸若傳於脾肺或過用風痰之藥而見一切諸症者專調補脾胃○魚骨形主驚痰發熱先用抱龍丸治之如未應屬肝火實熱少用抑青丸以清肝隨用六味丸以補肝或發熱少食或痰

盛發搐乃肝木尅脾土用六君子湯加柴胡
補脾土以制肝木○水字形主驚風食積胸
膈煩躁頓悶少食或夜啼痰盛口噤搐搦此
脾胃虛弱飲食積滯而木尅土也先用大安
丸消導飲食次以六君釣藤鈎補中清肝若
已服消食化痰等劑而病不愈者用四君升
麻柴胡釣藤鈎升補脾氣平制肝木○針形
主心肝熱極生風驚悸頓悶困倦不食痰盛

搐搦先用抱龍丸祛風化痰次用六君子加
釣藤鈎平肝實脾○透關射指形主驚風痰
熱聚於胸膈乃脾肺虧損痰邪乘聚先用牛
黃清心丸清脾肺化痰涎次用六君子湯加
桔梗山藥補脾土益肺金○透關射甲形主
驚風肝木尅制脾土之敗症急用六君木香
釣藤鈎官桂溫補脾土未應即加附子以回
陽氣多得生者嘗聞古人云小兒為芽兒如

草之芽水之漚蓋因臟腑脆嫩口不能言最
 難投劑當首察面色而知其所屬次驗虎口
 以辨其所因實為治法之簡要也

虎口三關脈紋



男握指向外為順



女握指向內為順



凡又指皆為惡候




流珠形




長珠形




來蛇形




環珠形




去蛇形




弓反外形



弓反裏形




鎗形



魚骨形



針形



透關射指形



水字形



透關射甲形



流珠只一點紅色環珠差大長珠圓長已上
 非謂圈子總皆紅脉貫氣之如此來蛇即是
 長珠散一頭大一頭尖去蛇亦如此分上下
 朝故曰來去角弓反張向裏為順向外為逆
 鎗形直上魚骨分開水字即三脉並行針形
 即過關一二粒米許射甲命脉向外透指命
 脉曲裡雖然余常治之亦有不專執其形脉
 而投劑者蓋但有是症即服是藥而亦多驗

治驗

一小兒發熱吐瀉腹脹不乳其紋如流珠
此脾胃氣傷先用香砂助胃膏後用六君
子湯全愈

一小兒寒熱作嘔飲食不入按其腹乃哭
脉紋如長珠此飲食停滯也用大安丸吐
瀉宿滯遂安但唇目抽動大便稀黃此病
邪去而虛熱所迫也用六君子湯加釣藤

鈎而愈

一小兒胸腹膨脹發熱頓悶脉紋如環珠
以手按腹即哭此屬脾胃虛而飲食停滯
也先用保和丸一服前症如失更加煩渴
按其腹而不哭此宿食去而脾胃復傷也
用五味異功散加柴胡治之頓瘳

一小兒不時乾嘔乳食不進肚腹膨脹脉
形如來蛇此脾胃虛而成疳也用四味肥

兒丸治疳佐以四君加蕪荑健中而痊後傷飲食吐瀉完穀形氣甚困四肢微搐視其紋如去蛇余曰且勿用藥次日吐止但搐而瀉青黃此脾土虛而肝木勝也用六君子加釣藤鈎而痊

一小兒未及周歲氣短喘急乳食少進時或吐乳視其形如去蛇乃脾傷而食積先用六君子加山查枳實漸愈後乳食復傷

吐瀉作渴先與胃苓膏繼與白朮散而愈一小兒睡卧驚悸發熱痰盛脉形如弓之向外此因驚木旺傷脾而食不消也先以天麻防風丸祛風定驚後用五味異功散壯脾止搐全瘥

一小兒沉默昏倦肢冷驚悸其紋如弓之向裡此屬胃氣虛而外感寒邪也先用惺惺散以解外邪調胃氣諸症頓愈但手足

逆冷又用六君子湯調補元氣而安

一小兒患咳嗽服牛黃清心丸加喘促腹脹余視其右臉色赤紋指如鎗屬脾氣復傷用六君子湯頓安

一小兒沉困發熱驚搐不乳視其脈紋如亂魚骨此風熱急驚之症也先用抱龍丸少許祛風化痰後用六君子湯加柴胡枳脾平肝而愈

一小兒咳嗽發熱右臉赤色作渴煩悶倦怠少食吐腹作脹脈紋如針此風邪傷肺而飲食傷脾也先用六君子湯加桔梗杏仁柴胡一劑諸症少愈後去杏仁柴胡再劑而安

一小兒發熱夜啼乳食不進昏迷抽搐痰盛口噤脈紋如水字此脾肺氣虛風木所乘痰食積於胸腹也先用大安丸後用六

君子加鈞藤鈎而愈

一小兒發熱右臉赤咳嗽痰盛其脉紋透關射指余以為風邪蘊結於肺而痰作也用二陳加桑皮杏仁桔梗治之自用發散降火之劑風痰不退發熱益甚余曰此脾肺氣虛治失其宜遂用五味異功散加炒桔梗漸愈又用六君子湯而痊

一小兒停食發熱服苓連三稜厚朴等劑

飲食日少胸腹膨脹其紋透至指甲用補中益氣湯加木香鈞藤鈎溫補脾氣平制肝木數劑漸效又用六君子湯加炮薑治之而安其間泛用金石腦麝祛逐之劑變驚而歿者不能枚舉惜哉

香砂助胃膏 方見熱吐

五味異功散 方見內鈎

六君子湯 方見內鈎

太安丸

方見虛羸

四味肥兒丸

方見嘔吐

四君子湯

方見內鈞

七味白朮散

方見腹痛

惺惺散

方見咳嗽

天麻防風丸

方見咳嗽

抱龍丸

方見傷寒

牛黃清心丸

方見急驚

柳青丸

方見驚啼

六味丸

方見腎臟

保和丸

方見虛羸

胃苓湯

方見霍亂吐瀉

二陳湯

方見寒冷嘔吐

變蒸

巢氏云小兒變蒸者以長氣血也變者上氣蒸者體熱仲陽云變者易也又云變蒸者自

內而長自下而上又身熱故每變畢即覺性情有異於前何者長生臟腑意智故也何謂三十二日長骨添精神人有三百五十五骨以象天數以應暮歲以分十二經絡自初生至三十二日一變生癸屬足少陰經腎藏精與志六十四日二變一蒸生壬屬足太陽經膀胱腑其發耳與聾冷腎與膀胱合俱主於水天一生水地六成之至九十六日三變生

丁屬手少陰經心藏神其性為喜至一百二十八日四變二蒸生丙屬手太陽經小腸腑其發汗出而微驚心與小腸合為火地二生火天七成之至一百六十日五變生乙屬足厥陰經肝藏魂喜哭至一百九十二日六變三蒸生甲屬足少陽經膽腑其發目不閉一作開而赤肝與膽合主木天三生木地八成之至二百二十四日七變生辛屬手太陰經肺

藏魄主聲至二百五十六日八變四蒸生庚
屬手陽明經大腸腑其發膚熱而汗或不汗
肺與大腸合主金地四生金天九成之至二
百八十八日九變生巳屬足太陰經脾藏意
與智至三百二十日十變五蒸生戊屬足陽
明經胃腑其發不食腹痛而吐乳脾與胃主
土天五生土地十成之又手厥陰經心包絡
為臟手少陽經三焦為腑此一臟一腑俱無

狀故不變而不蒸也前十變五蒸乃天地之
數以生成之此後如生齒能言知喜怒故云
始全也大倉云氣入四肢長碎骨於十變後
六十四日為一大蒸計三百八十四日長其
經脈手受血故能持物足受血故能行立經
云變且蒸謂蒸畢而足一歲之日有餘也師
曰不汗而熱者發其汗大吐者微止不可別
治又六十四日為二大蒸計四百四十八日

又六十四日為三大蒸計五百一十二日至
五百七十六日變蒸既畢兒乃成人也變者
生五臟也蒸者養六腑也變者上氣蒸者發
熱每經一變一蒸情態即異輕則發熱微汗
其狀似驚重則壯熱脉亂而數或汗或吐或
煩啼躁渴輕者五日解重者七八日解其候
與傷寒相似亦有變蒸之餘續感寒邪者但
變蒸則耳冷眦冷上唇發泡如濁珠若寒邪
搏之則寒熱交爭腹中作痛而啼叫之聲日
夜不絕變者易也蒸於肝則目眩微赤蒸於
肺則嚏嗽毛聳凡五臟六腑筋脉骨循環各
有證應其治法平和者微表之實熱者微利
之可服紫霜丸黑散子柴胡湯有寒無熱并
吐瀉不乳多啼者當歸散調氣散主之變蒸
之外小兒體貌情態自然平和大抵人得中
和之道以為純粹陰陽得所剖柔兼濟氣血

和而百脉順所以心智益通精神俱備臟腑
充實形體固壯齒細髮黑聲洪睡穩此乃受
氣充足稟性得中而無疾爾前疰蓋小兒所
不免者雖勿藥亦可也前藥峻厲非惟臟腑
之不勝抑且反傷氣血余嘗見一小兒至一
變發熱有痰投抱龍丸一粒卒至不救觀此
可驗慎之慎之其有不熱不驚略無症候而
暗變者蓋受胎氣壯每具故也

紫霜丸

方見撮口

紫陽黑散治變症解利熱氣

麻黃

二兩不去節

大黃

半兩

杏仁

去皮二分半研

右以前二味和一處杵碎略燒存性後入
杏仁膏和之蜜盛貯每用一豆許乳汁和
嚥之

柴胡湯治變蒸骨熱心煩啼叫不已

人參

二錢

甘草

微炙二錢

麥門冬

去心二錢

龍膽草

酒炒 黑

防風

各一錢

柴胡

五分

右每服一錢水煎

當歸散治變蒸有寒無熱

當歸 二錢

木香

官桂

辣者

甘草 炙

人參

各一錢

右每服一錢姜棗水煎

調氣散治變蒸吐瀉不乳多啼欲發慢驚

木香

香附子

人參

橘皮

藿香

甘草

炙各一錢

右為末每服一錢薑棗水煎服

肝臟

錢仲陽云肝主風實則目直大叫項急頓悶

虛則咬牙呵欠氣熱則外生風氣溫則内生

風大青膏散之若能食飲水不止用大黃丸

微下之肝熱則目直不搗手尋衣領及亂捻

物瀉青丸主之壯熱飲水喘悶瀉白散主之

肝病秋見肺怯不能勝肝也當用益黃散補
脾瀉青丸治肝肝有風則目連眨得心熱則
搖用瀉青丸治肝導赤散治心甚則身反張
目直不搖心不受熱也當用地黃丸補腎瀉
青丸治肝唇白者不治又張潔古云肝主風
自病則風搖拘急若心乘肝為實邪肺乘肝
為賊邪腎乘肝為虛邪凡肝得病必先察其
肺腎者肝之母肺者肝之賊今肝之得病若

非腎水不能相生必是肺金鬼邪來尅故其
來在肺先治其肺攻其鬼也其來在腎先補
其腎滋其源也然審其本臟之虛實而寒溫
之竊謂前症若肝經實熱而外生風者宜用
大青膏散之若既服而前症仍作或益甚者
此邪氣已去而脾氣虧損也宜用異功散加
芎歸補之若肝經虛熱或因尅伐而內生風
者宜用異功散地黃丸補之若風邪入臟能

食飲冷大便秘結者此邪氣內實也宜用大
黃丸下之若既下而食少飲湯或腹作脹者
此脾氣內虛也宜用白朮散補之氣血素弱
或因病後或服攻伐之劑而手尋衣領咬牙
呵欠目淡青者乃肝經虛甚也急用地黃丸
以補腎肝硬氣短氣長出氣乃肺經虛甚也
急用異功散以補脾肺若申酉時叫哭直視
呵欠頓悶項急驚悸手足搖動發熱飲水者
此風火相搏而勝肺金也用柴胡梔子散以
治肝火生肝血用異功散補脾土生肺金若
唇白者為脾絕不治夫嬰童之症多因妊娠
厚味七情或見乳哺失宜或乳母飲食鬱怒
所致病氣既見形氣已虛當推其所因用藥
加漏蘆以治其母兒飲一二匙後倣此
大青膏治傷風痰熱發搐

天麻

青黛

各一

錢

白附子

煨

烏蛇

酒浸取肉焙

蝎尾

各五分

天竺黃

麝香

各一字

右為末生蜜丸豆大每用半粒薄荷湯化下

大黃丸

治風熱裏實口中氣熱二便秘赤飲水不止

黑牽牛

一半生

川芎

各半兩

甘草

一錢

大黃

一兩酒洗飯上蒸

右為末糊丸麻子大每服數丸溫蜜水乳後服以溘利為度大小用

愚按前症既屬裏實二便秘法當踈下若初服雖未通利而病勢已退不可再服如二便未利病勢未退當減數丸研化服之恐過劑則元氣傷而變病也

瀉青丸治急驚發搐眼赤睛疼

保嬰全書卷一

當歸

龍膽草

炒

川芎

防風

大黃

炒

羌活

山梔仁

各等分

右為末煉蜜丸芡實大每服一九砂糖湯化下

愚按前方足厥陰經解散肌表疎通內熱之藥也若大便秘結煩渴飲冷飲食如常者屬形病俱實宜用此以瀉之若大便調

和煩渴飲冷目淡青色屬病氣實而形氣虛宜用益肝散平之若大便不實作渴飲湯飲食少思肢體倦怠者屬形病俱虛宜用地黃丸補之大抵前症若因肝經血虛風熱先用四物湯加釣藤鈎以生肝血次用四君子湯以補脾土若因肝經血燥痰盛用地黃丸滋腎水生肝木四君加芍藥實脾土以平肝木若因攻伐而致脾土虛

保嬰全書卷一

五

五

寒者急用六君子湯加丁香木香溫補脾
土否則必變慢脾風也

抑肝散治肝經虛熱發搐或發熱咬牙或驚
悸寒熱或木乘土而嘔吐痰涎腹脹少食
睡卧不安

軟柴胡

甘草 各五分
川芎 八分

當歸

白木 炒
茯苓

釣藤鈎 各一錢

右水煎子母同服如蜜丸名抑青散 新增

小柴胡湯

加山梔牡丹皮
名加味小柴胡

治肝膽經風熱瘰

癰寒熱往來日晡發熱潮熱身熱不欲飲
食或怒火口苦耳聾咳嗽或脇痛胸滿小
便不利或泄瀉吐酸苦水或肢體搐動唇
目抽劄並宜用之 方見肝臟

異功散

方見天鈞

地黃丸

方見腎臟

白朮散

方見積疝

柴胡梔子散

方見諸熱

導赤散

方見心臟

四物湯

方見急驚

四君子湯

方見內鈞

六君子湯

方見內鈞

加味清胃散

方見天鈞

補中益氣湯

方見虛羸

心臟

錢仲陽云心主驚實則叫哭發熱飲水而搐
 虛則困卧驚悸不安又云熱則睡中口氣溫
 及上竄咬牙而合面卧有就冷之意皆心熱
 也導赤散主之若仰面卧者乃心氣實氣不
 得上下流通也瀉心散主之心病冬見火勝
 水也當補腎治心輕者病自愈下竄不語者
 腎虛怯也又張潔古云心主熱若肺乘心為

微邪肝乘心為虛邪脾乘心為實邪腎乘心為賊邪凡心臟得病必先調其肝腎肝氣通則心氣和肝氣滯則心氣乏此心病先求其肝清其源也五臟受病必傳其所勝腎之邪必傳於心故先治其腎逐其邪也若肝腎脉俱和然後察其心家虛實治之竊謂仰面卧者因其心胸實熱故喜仰面而向虛也合面卧者因心胸虛熱故喜合卧而就實也實則

調治心肝虛則調補脾肺二者別之盡其狀矣其咬牙等症多有雷同不必拘泥如用瀉心導赤等劑邪氣雖去而病仍作當調補元氣或反甚急溫補元氣其心氣冬見或亥子時病病甚或下竄不語者乃腎水虛而心火甚也用地黃丸其乳下嬰兒須母服之

錢氏瀉心散治心經實熱

黃連

右為末每服五分臨卧溫水化下

愚按前症若叫哭發熱作渴飲水抽搐有力仰面而睡者屬心經實熱宜用瀉心散或導赤散若發熱飲湯抽搐乏力驚竄咬牙合面而睡者屬心經虛熱用補心散若喘嗽面赤壯熱飲水肺乘心也用瀉白散若搖頭目劓身熱抽搐肝乘心也用柴胡清肝散若合目昏睡泄瀉身熱脾乘心也

用瀉黃散若竄視驚悸咬牙足熱腎乘心也用安神丸若因乳母致症亦用前藥以治其母

導赤散治小腸實熱小便秘赤

生地黄

木通

甘草

右為末每服一錢入淡竹葉水煎

愚按瀉心散導赤散瀉心小腸實火之劑蓋心為脾母脾為心子然心既病則脾土

益虛矣用者審之

錢氏生犀散治心經虛熱

地骨皮

赤芍藥

柴胡

乾葛

各一兩

甘草

五錢

犀角

二錢

右為末每服一二錢水煎

新增

愚按前方云治心經虛熱其所用藥多屬瀉心瀉肝脾之劑虛熱二字恐曾魚也如心經自病而血虛熱者用秘旨安神丸脾

虛奪心之氣而熱者用秘旨補脾湯肝木不能生心火而虛熱者用地黃丸

秘旨安神丸治心血虛而睡中驚悸或受驚

嚇而作

人參

半夏

湯炮

酸棗仁

炒

茯神

各一錢

當歸

酒洗

橘紅

赤芍藥

炒各七分

五味子

五粒

甘草

炙三分

右為末薑汁糊丸芡實大每服一丸牛黃

湯下

地黄丸

方見腎症

補心散

方見驚啼

瀉白散

方見肺臟

柴胡清肝散

方見熱症

瀉黃散

方見脾臟

秘旨補脾湯

方見驚啼

脾臟

錢仲陽云脾主困實則困睡身熱飲水或不
 飲水虛則吐瀉生風脾胃虛寒則面皸白目
 無精光口鼻氣冷肌體瘦弱吐水腹痛不思
 乳食用益黃散下利用調中丸傷風手足冷
 者脾臟怯也先用益黃散補脾後用大青膏
 發散脾病見四季皆倣此順者易治逆者難
 治脾怯當面赤黃若兼五臟相反隨症治之
 又張潔古云脾主濕自病則泄瀉多睡體重

昏倦若肝乘脾為賊邪心乘脾為虛邪肺乘脾為實邪腎乘脾為微邪凡脾之得病必先察其肝心二臟蓋肝是脾之鬼心是脾之母肝氣盛而鬼邪有餘心氣虧則生氣不足當用抑肝氣益心氣若診其脈肝心俱和則脾家自病察其虛實而治之竊謂前症實者病氣實而形氣虛也若面色晄白吐瀉腹痛口鼻氣冷屬寒水侮土宜用益黃散若面青唇黯吐瀉手足並冷此脾土虛寒用乾薑理中湯若面色痿黃手足不冷此脾土虛弱用人參理中湯若傷風手足並冷吐痰咳嗽吐瀉腹脹此脾肺氣虛用五味異功散實脾氣加防風升麻散外邪若發於寅卯之時用六君柴胡升麻補脾土平肝木然面黃者脾之本色也面赤者火生土為順面青者木剋土為逆當平其所勝以補元氣為善

大青膏

方見肝臟

調中丸

乃見脾胃虛寒

人參安胃散治脾胃虛弱傷熱乳食嘔吐瀉痢

人參 一錢

黃芪 二錢

生甘草

炙甘草

各五分

白芍藥

酒炒七分

白茯苓

四分

陳皮

三分

黃連

炒二分

右為末每服二錢水煎

愚按東垣云益黃散內有丁香青皮之辛熱蓋為寒水侮土而設也若因熱藥巴豆之類損其脾胃或因暑熱傷乳食而成吐瀉口鼻氣熱而致慢驚者宜用前散

益黃散治脾虛吐瀉不食米穀不化困倦力少滑腸夜起并疳虛盜汗涎流口角

陳皮 一兩

丁香 二錢

訶子

炮去白

青皮

去白

甘草

炙各半兩

右為末每服一錢水煎服

愚按前症若脾土虛寒或寒水侮土而嘔吐泄瀉手足並冷或痰涎上壅睡而露睛不思乳食宜用此方若因脾土虛弱吐瀉者用六君子湯加柴胡如不應或手足俱冷屬虛寒也更加木香炮姜若因乳母脾虛肝侮必治以前藥若乳母鬱怒致兒患前症母服加味歸脾湯

錢氏瀉黃散

一名瀉脾散

治脾熱吐舌

藿香葉

甘草

各七錢五分

山梔仁

一兩

石膏 五錢

防風

二兩

右用蜜酒微炒為末每服一二錢水煎

愚按前症若作渴飲冷卧不露睛手足熱甚或遍身發黃屬胃經實熱宜用瀉黃散若作渴飲湯卧而露睛手足並冷屬胃經虛熱宜用異功散若面青搐搦乳食少思

保嬰全書卷一
肝乘脾也用秘旨補脾湯若面赤驚悸身熱昏睡心乘脾也用秘旨安神丸若面白喘嗽肢體倦怠肺乘脾也用補中益氣湯若唇黑泄瀉手足指冷腎乘脾也用益黃散病後津液不足口乾作渴宜用七味白朮散若乳母膏梁厚味七情鬱火所致當審其因而治其母

人參理中湯

方見傷寒表裡

五味異功散

方見天鈞內鈞

六君子湯

方見天鈞內鈞

肺臟

錢仲陽云肺主喘實則悶亂喘促或飲水虛則哽氣出氣短氣若肺盛復感風寒則胸滿氣急喘嗽用瀉白散肺熱則手搯眉目鼻面用甘桔湯肺虛熱則唇色深紅少用瀉白散肺怯則唇色白用阿膠散若悶亂氣粗喘促

便氣者難治肺病久唇白者此脾肺子母皆
虛也若白如猪脂者吉白如枯骨者死如肺
病春見肺勝肝也用地黃丸補肝腎瀉白散
以治肺目淡青必蕪驚更有赤者當搐為肝
怯也又張潔古云肺主燥自病則喘嗽燥則
潤之若心乘肺為賊邪肝乘肺為微邪腎乘
肺為實邪脾乘肺為虛邪凡肺之得邪必先
觀心脾二臟之虛實若心火鑠金當抑心滋

肺若脾氣虛冷不能相生而肺氣不足則風
邪易感宜補脾肺若腎實中痞熱氣上蒸於
肺宜瀉脾氣若心脾平和而肺自病當察虛
實治之竊謂肺經鬱熱用瀉白散肺氣自虛
用四君子湯外邪所乘用參蘇飲心火炎爍
用人參平肺散中焦實痞用大承氣脾不能
生肺用異功散夫肺氣盛者肺中之邪氣盛
也其脉右寸必浮而有力宜用瀉白散以瀉

之若肺虛而有熱者執肺熱傷肺之說而不
用人參誤矣仍參其症治之

瀉白散化痰止咳寬氣進食

地骨皮

桑白皮

炒各一兩

甘草

炙一錢

右為末每服一二錢入粳米百粒水煎

愚按活人方云喘者肺氣盛而有餘然氣
盛當認作氣衰有餘當認作不足蓋肺氣
盛者肺中之火盛也有餘者肺中之邪有

餘也其脉右寸必浮而有力右頰色赤用
前藥以瀉之前症若乳母感冒風寒肺經
蘊熱致兒為患用參蘇飲若乳母膏梁醇
酒積熱致兒是病用清胃散

甘桔湯治風熱上攻咽喉疼痛及喉痺妨悶

桔梗

一兩

甘草

炙二兩

右每服二錢水煎

阿膠散治肺虛咳嗽喘急或咳而哽氣喉中

有聲

阿膠

粉炒 一兩 蛤

鼠粘子

炒香 二錢半

甘草

炙 一錢

馬兜鈴

炒 半兩

杏仁

尖 七箇 去皮

糯米

一兩

右每服一二錢水煎

愚按前方乃直治肺金之劑經云虛則補其母若前藥末應當用五味異功散以補

脾

四黃丸

方見腎臟

四君子湯

方見內鈞

參蘇飲

方見諸熱

人參平肺散

方見咳嗽

大承氣湯

方見傷寒表裏

異功散

方見天鈞內鈞

清胃散

方見天鈞內鈞

腎臟

錢仲陽云腎主虛無實症惟痘瘡實則黑陷

更當分別症之虛實假如肺病又見肝症咬
牙呵欠者易治肝虛不能勝肺也若目直視
大叫哭項急煩悶者難治蓋肺病虛冷肝強
實而勝肺也視病新久虛實虛則補其母實
則瀉其子夫腎虛者由胎氣不盛則神短顙
開目多白睛面色眇白此皆難養縱長不過
八八之數若恣色慾不及四旬而亡或有因
病而致腎虛者又云腎氣不足則下竄蓋腎

虛骨重惟欲墜下而縮身也腎水陰也腎虛
則目無精光畏明皆用地黃丸腎病見夏水
勝火也輕者病自退重者當驚發搐又張潔
古云腎主寒自病則足脛寒而逆腎無實瘡
疹黑陷乃實是水制火也若心乘腎為微邪
肺乘腎為虛邪肝乘腎為實邪脾乘腎為賊
邪本臟虛弱正令不行鬼賊尅害當補本臟
之正氣假令肺病喘嗽見於初春當補腎見

於夏救肺見於秋救脾見於冬補心瀉本臟
乃名寒嗽大抵五臟各至本位即氣盛不可
更補到所尅位不可更瀉然五行之中惟腎
水一臟母盛而反受邪何則肺屬金射於皮
毛所主者氣腎屬水主於骨髓所藏者精氣
之輕浮能上而不能下精之沉重能下而不
能上此物性之自然今肺氣得熱而上蒸則
不能下生於腎而受邪矣急服涼藥解之此

腎病必先求肺或脾經之濕刑尅於腎宜去
脾濕若脾肺平和而腎自病則察其本臟而
治之竊謂下竄等症足不喜覆者蓋腰以下
皆腎所主乃心氣下行於腎部也法用地黃
丸壯腎水以制心火若因脾肺虛而不能生
腎水者用補中益氣湯六味地黃湯以滋化
源其瘡疹黑陷乃腎虛而邪氣實也充當用
地黃丸

地黄丸

熟地黄

八錢
杵膏

山茱萸

肉

乾山藥

各四錢

澤瀉

牡丹皮

白茯苓

各三錢

右為末入地黄膏量加米糊丸桐子大每服數丸溫水空心化下行遲鶴膝加鹿茸牛膝五加皮

愚按前丸治腎肝血虛燥熱作渴小便淋秘痰氣上壅或風客淫氣患癰結核或四

肢發搐眼目瞶動或咳嗽吐血頭目眩暈或咽喉燥痛口舌瘡裂或自汗盜汗便血諸血或稟賦不足肢體瘦弱解顱失音或畏明下窳五遲五軟腎痺肝痺或早近女色精血虧耗五臟齊損凡屬腎肝諸虛不足之症宜用此以滋化源其功不可盡述

補中益氣湯

方見虛羸

